

秀山志卷之十

詩集 五言律

展敬文孝廟

喻良能 叔奇

才昔高南國名今播八紘  
英姿留此地餘澤及編氓  
仙去江山在恩來日月明  
經從千載後款謁薦微誠

謁秀山廟

陳 鈇

自涖江之秀心旌戀秀山  
囊琴歸兔窟曳履覲龍顏  
文選樓新建衣冠陵舊頌  
孝思誰可及香篆裊衣斑

秀山廟

興化李 盤 小有

秀山志

卷之十 詩集

南國傳金輅山光愜秀情  
披文環麗藻張樂叶嚶鳴  
羅綺消殘照衣冠表舊瑩  
千年人化鶴何處問昭明

玉鏡潭

李 盤

笑傲清溪上吾家舊謫仙  
潭光涵日月筆彩散雲烟  
花發疑宮錦鶯啼類野絃  
潛蛟時夜舞神物至今傳

秀山廟

建德王命策 簡子

風物依然古斯人未遽亡  
觀於池上樂宛在水中央  
秋浦饒幽色春宮發異香  
因知今古事不朽是文章

秀山廟

貴池劉 城 伯宗

關心最幽勝古廟祀昭明帝子文章伯巫人耕牧生書  
成傳選體魚美錫嘉名此地堪長憇林深着霧輕

秀山吊古

余翹

古廟秀山阿昭明蹟未磨衣冠三尺葬伏臘萬人儺尚  
想神駮鶴應知恨瘞鵠釣臺無恙在我欲坐烟蘿

文選樓

宛平汪元綬雲襄

青宮宏睿藻開閣對名山萬古文章地諸峰錦繡環簷  
纓隨扈從風雨失丹顏重建楹榭煥輝聯星斗間

登文選樓

趙衍香沙

秀山志

卷之十 詩集

二

西棟疎林出蕭梁蹟未湮停車一相問回首覺愴神六  
代餘芳躅千秋步後塵樓頭堪嘯咏草、自勞人

秋浦乘舟

王朱玉

脫却遊山屐中流趑早行衆山争起伏一水獨澄清漁  
艇收還放溪禽狎不鷲衣冠帝子在渺、予懷傾

釣臺

周疆

泛艇乘流急欣登古釣臺波光碧連樹山色老成苔雨  
過罾仍落風旋魚自回一竿時下上山水逐顏開

釣臺

陳泉

帝子風流杳遺踪留釣臺潭深滌綺縠山老綉莓苔博苑終輸孝梁園亦遜才祇今秋浦月猶照水雲隈

釣臺

石埭沈德泰師鴻

諸石參差立周環古釣臺雲籠群樹合樓倚萬山開懷古追清瀨徵詩愧賦才只今垂餌處不盡水滌洄

釣臺

貴池田應遴右銓

片石臨溪水臺因帝子傳遠峰雲外合孤岫日邊懸曉徑迷芳草春風聽杜鵑澄潭開玉鏡時照影娟娟

釣臺

青陽江表穉舞

秀山志

卷之十 詩集

三

蕭梁誰復問臺畔有餘馨浦水環今古瑯山隱日星故宮春寂々遺石草青青遙見垂綸處依稀帝子靈

文選樓遠眺

貴池陳必遠涉公

帝子多遺跡招携上選樓蒼松巢野鶴綠渚浴沙鷗晴裏清溪霧陰涵玉鏡秋昔人嗟已沒憑眺思悠悠

文選樓

貴池舒應朝位公

七代羅文富傳來選在茲金燈輝太乙秋水注軍持樹鳥鳴相和沙鷗篆獨窺自經千載後歷々憶風規

釣臺

劉廷獻

我聞梁太子曾向石城遊翠輦瑯山道蘭橈浦水舟春  
花呼載酒秋浦快登樓逸興因時發垂綸古渡頭

釣臺

劉遵

秋浦留遺址曾經帝子遊樓荒文選在臺古釣綸收野  
岸山常秀澄潭水自流垂竿人不見斤石足千秋

過瑯山望秋浦

貴池 夏光輝 裕若

行々魂欲斷猶聽杜鵑聲風逐楊花落潭澄玉鏡明秀  
山千古寺秋浦昔時城今日登臨者悠悠無限情

秋浦

貴池 吳銘道

秀山志

卷之十 詩集

四

晴天放釣鉤選石野橋頭翠發秀山秀風生秋浦秋樹  
低先得月舟小不驚鷗游倦忘身世悠哉自在流

贈秀山祠釋通儒

貴池 舒 恭景安

此地任為家塵無一點遮玲瓏秋浦月爛熳秀山霞瓶  
貯楊枝汁厨烹巨勝花養生別有術終哉註南華

夏日雨過登文選樓

貴池 舒 讓禮源

驟雨日還現蒼茫望欲迷雲從窗外落虹向樹邊低翠  
燄金燈轟明暉玉鏡齊展翻書七代聊用託幽棲

釣臺

貴池 王錫璧 趙珍

帝子騎鯨去巍然斤石存水澄千古鑑山疊六朝痕詩  
客樓頭月漁家竹裡門綸竿無處覓獨立倚雲根

昭明釣臺

貴池方造聖 恒綏

把釣寒潭上棲遲何壯哉龍潛無意出魚美有情來浦  
水垂香餌瑯山拂翠苔登臨時寄興落日重徘徊

登秀山望倉埠石城舊址有感 貴池 舒堯封 祝三

登臨風景異惆悵古今情潭化隋倉埠田耕漢縣城山  
花團野色谷鳥聚春聲烟外蒼茫迥悠悠浦水清

秀山懷古

東流 吳麟翥 翔高

秀山志

卷之十 詩集

五

不是前星炯何由愛秀山釣臺遺跡勝選閣俗塵刪水  
碧千秋浦松蒼六代顏幽探慚未及憶昔棹泥灣癸未自泥

灣適郡舟  
過山麓

玉鏡潭

貴池 胡光心 覲廷

鏡面秋磨淨停泓徹底清曾無浮翳入時有碧雲生白  
鳥隨波遠青峰落影明一行踈柳外兩々釣舟橫  
皓月常輝映蕭然帝子心晴光猶照眼野色欲沾襟水  
石相縈帶烟雲自古今一從歸鶴駕誰復和龍吟

秀山廟

銅陵王 瑜

秀岑時仰止寂寞弔前星  
仙馭瞻晨鶴高陵泣夜螢  
釣臺波自靜選閣汗常青  
遺廟空山裡松風响未停

秀山廟

青陽王懿脩鼎嘉

仰止高山上遺徽足古今  
人從江畔隱詩向閣中吟  
風雅文章體瞻依帝子心  
靈祠千載後松竹自蕭森

衣冠墓感懷

貴池方嘉銓定衡

望古尋遺跡衣冠此地藏  
松陰遮夜月草色剥秋霜  
自有文章在從知孝德彰  
臺城雲徧滿何處問蕭梁

文選樓

貴池曹麟開黻我

秀山志

卷之十

詩集

六

覽勝來西郭清幽遠俗茅榻懸秋浦  
月樓出秀山雲楚樹高低合吳帆  
上下分談經悲建業花雨散斜曛

春日遊秀山

貴池孫涇

風和開麗景携杖謁陵前  
選閣疑雲際僧房近日邊  
蓮塘鷗乍起珠嶺鶴爭眠  
極目無窮處襟懷別有天

同友人遊釣臺

貴池方本芝

帝子今何在悠然古釣臺  
魚驚香餌去水湧斤帆來  
玉鏡寒潭寂踈鐘遠寺催  
壯遊尋勝蹟屐齒喜相陪

過秀山謁昭明廟

貴池唐瀛雲客

鶴禁風流遠靈棲浦水涯六朝無社稷千載有烟霞淨  
宇菩提像空山弟子家馨香歸孝德莫止誦才華

釣臺

貴池王坤時方

嶼岩一斤石垂釣泛銀鈎水靜魚吞月風高蓼拂秋閑  
情辭鳳闕雅意托羊裘千載尋遺跡時停浦淑舟

釣臺

銅陵俞之桂殿芳

地近瑯山下臺留帝子名一竿應自得斤石許誰爭魚  
與人俱逝溪當秋更清登臨懷往事惆悵暮烟生

釣臺

貴池黃承謀燕貽

秀山志

卷之十 詩集

七

六代繁華盡閒情寄釣鈎魚從波底出綸向雨中收瘦  
石依雲立蒼苔襯水浮何年盤踞此清浦四時秋

釣臺

青陽孫育璋

帝子今何在魚磯尚宛然桃花飛古澗柳絮點寒烟鉄  
馬空征逐沙鷗任往還長留一斤石坐釣想當年

釣臺

貴池陳正仁

終古傳名跡臨流百尺臺水澄開玉鏡石瘦點蒼苔但  
見遊魚躍誰看釣客來沉吟思往事獨坐白雲隈

文選樓

檀光泌

奕々岑樓峙羣欽帝子靈青宮留好句紫極見明星性  
不耽絲竹心應恋闕廷至今綿俎豆千載有餘馨

遊秀山謁昭明廟

林廸

地僻紅塵遠青儲舊釣遊故宮禾黍沒勝迹古今留風  
韻存遺籍衣冠拜古址悲歌意不盡夜雨湍庭楸  
丙殿垂穀舊千秋獨有君鏡潭餘釣石選閣足香芸日  
暮猿啼兩松高鶴唳雲依稀精爽在瞻拜意殷々

選樓晴望

江潮

正值清明候樓高景色收蓮塘花拂檻麥隴草平疇疊  
嶂千峰列盈箱萬卷留登臨頻吊古松竹自悠悠

秀山志

卷之十 詩集

八

釣臺

張翻

巍然一片石帝子舊垂綸碧柳光分翠澄潭浪湧銀閒  
邀鷗作侶愛借蘚為茵趺坐澄潭曲魚龍漾水濱

秀山

張良佐 廷珍

儲君遊眺處山水有清音地隔紅塵遠烟籠碧樹深風  
生疑虎嘯雲起聽龍吟更羨澄潭月時々映碧岑

文選樓

王錦江

選閣峙南州遺徽亘古留鴻文搜六代巨筆範千秋珠



玉胸中吐烟霞眼底收至今風物好把酒欲登樓

玉鏡潭

徙倚澄潭上風光到眼前影涵秋夜月波泛夕陽天雁  
字千行落漁燈數點懸儲君垂釣處空見水清漣

放生池

施師數

稱仁梁帝子惠愛及游鱗樂意知濠上生機問水濱淪  
漪千斤石浩蕩一腔春何事臨淵羨翻來理釣綸

釣臺

黃文熊

帝子臺名舊高標不染塵直將揮翰手來作把竿人夜

秀山志

卷之十 詩集

九

月懸疎柳秋風動白蘋依々當日勝景物望中新

昭明祠

陳為炳

青儲遊憇地勝概足千秋風月胸中貯琳琅筆底收前  
星輝碧漢少海溢洪流太息臺城廢遺徽仰選樓

文選樓

謝慶年

帝子鍾情地千秋廟貌留研思宏著述適性寄林邱玉  
鏡心如印牙籤韻欲留登臨當暇日極目思悠々

秀山道中

胡正學

步屨來秋浦風光入眼新嵐開山色麗烟淨水波明境

寂人無跡林幽鳥不驚殷勤懷帝子景物倍關情

秀山懷古

陳有道士可

水憐秋浦勝山愛石城墟為卜幽人宅來尋帝子居六朝標勝蹟萬戶擁遺書憑吊情無限長吟意有餘

釣臺

貴池林榮

生長青宮裡胡然恋水濱龍潛忘黻冕漁隱有絲緡富貴非吾願烟霞寄此身悠悠千古事憑弔一為新

登文選樓

貴池朱振聲

帝子衡文處遺踪尚可求危樓供眺望過客任夷猶檻

秀山志

卷之十 詩集

十

外山分翠庭隅樹帶秋六朝雖代謝勝地古今留

文選樓

石埭胡心元

鼓楫來秋浦尋芳到選樓遺文存六代勝概足千秋當戶排青嶂凭欄俯碧流惓懷臨日暮新月掛松楸

謁昭明祠

貴池宋本標

猗歟梁帝子選閣韻流長碧水文瀾漾青宮孝德彰千秋馨俎豆六代藹縹緗山半橫雲錦依稀接末光

登釣臺

桐城吳巨珩儒懷

望自青宮重胡為持釣竿閒情依荇藻文思動波瀾鶴

駕秋風杳漁磯夜月寒登臺照潭水惆悵獨盤桓

釣臺

江正誼

勝蹟依然在閒登古釣臺綠蘿綠石罅翠竹鎖雲隈秋水一泓淨輕烟兩岬開垂綸人已渺徙倚寄徘徊

釣臺

貴池舒容

帝子垂綸後無人上釣臺踈鐘敲遠寺密葉護深崖鏡與潭光合秋從水面來富春江上客同此寄徘徊

秀山懷古

貴池彭演

峯巒高峙霧千載仰風流此地前星爛當年少海遊鏡

秀山志

卷之十 詩集

十一

潭明月擁雪嶺白雲稠憑吊情無限輕舟為少留

釣臺

貴池舒朝宗

獨謝繁華去飄然隱釣臺寒潭開鏡影傑閣卧雲堆倒掛池邊樹閒侵石上苔何如東漢客獨為故人來

謁昭明殿

貴池彭銳

巍峩瞻廟貌往跡憶蕭梁仁孝傳千古恩波沛一方釣遊皆寄托山水任翱翔明月樓頭照遺編誦不忘

秀山

貴池彭鑑

風景儘堪誇名山帝子家金燈籠曉月玉鏡映晴沙烟

净琅崖踞鐘傳浦水涯釣臺高峙處過客共停車

秀山懷古

貴池 彭 鍾

帝子停騶霞清風拂草萊校書餘選閣把釣有高臺山  
色常如此高人去不回登臨遙縱目憑吊獨徘徊

過玉鏡潭望昭明釣臺

貴池 彭 鐸

蕭索今已遠千古仰風流猶見高臺峙常懷帝子遊琅  
崖雲氣淨浦水月光浮為愛空潭曲漁人泛小舟

文選樓懷古

貴池 胡文煥 堯章

攬眺危樓上悠然抱雅懷選文崇實學遺韻在高齋鳥

秀山志

卷之十 詩集

十一

破烟嵐去松分霧影排題詩標勝蹟佳會屬吾儕

文選樓

貴池 章夢篆 頴川

昔聞梁帝子長嘯獨登樓七代文章定千年韻事留翠  
鬟窗岫曙明月鏡潭秋我欲尋遺跡潺湲浦水流

芙岫朝霞

汪志超

曉望芙蓉岫晴開錦綉紋接天浮淡靄攢萼插濃雲萬  
仞丹崖立千尋碧落分扶桑知未遠高處散繽紛

過玉鏡潭望昭明釣臺

貴池 彭匡國 仰泉

擊楫來秋浦迎眸古釣臺不嫌沙月擁偏喜鏡潭開老

佛功成燼儲君跡未灰臨風懷想處相對一啣杯

秀山懷古

貴池胡棟景堂

少海覃恩徧兮流浦水多登樓繙汗簡乘月釣烟波遺  
澤傳香鯽沉冤恨蠟鵝清音綿夾襖到處聽謳歌

文選樓

桐城王華濱麓

帝子渺何處空餘文選樓書成經幾劫地勝擬重遊山  
敞郡城古烟寒浦水秋風流應未散斜月隱松楸

謁昭明祠

貴池宋士鰲方儒

蕭梁何處問帝子有遺芳靈護即崖久思流浦水長叢

秀山志

卷之十 詩集

十三

陵留古蹟高閣矗文光瞻拜情何切明裡誌不忘

大殿落成

東流張正濟以康

廟貌重新處翹瞻帝子靈選樓初縱目崇殿正觀成旭  
日臨朱檻晴霞繞綉甍欣將蘋蓼荐展拜達愚情

秀山懷古

貴池孫全濟澤均

高風欽帝子卜築秀山巔絲竹情偏淡烟霞志獨堅釣  
臺盤水曲選閣矗雲邊太息蕭梁事更深聞杜鵑

過玉鏡潭望釣臺

東流張時彩凝輝

一棹隨波泛潭開玉鏡明更無人把釣猶見石留名四

面山雲碧千秋浦水清停橈閒眺望凭弔有餘情

釣臺

貴池陳正仁宗禹

千古傳名蹟巍然百尺臺水澄瑩玉鏡石瘦點蒼苔  
占楊枝下竿分竹篠來緬思垂釣者駕鶴白雲隈

謁昭明祠

陳有道士可

古刹由來遠蕭梁舊典章石城曾寄跡秋浦永留芳  
光啟前星耀恩覃少海長六朝遺俎豆歌頌徧池陽

玉鏡潭

貴池張嘉成會翠

鏡面新磨淨澄潭映素秋一時停鶴駕千載憶龍舟  
波

秀山志

卷之十

詩集

十四

漾清輝動烟沉綠暈浮到來生逸興鼓棹泛中流

寶珠墩

貴池胡廷珍御培

帝子停車處遺墩近岫東明如懸掌上圓似滾盤中月

白輝松牖風清映竹叢試凭樓百尺高望擬鮫宮

文選樓

釋方畧

樓傳文選舊遺跡憶青儲錦軸羅珍玉芸香走蠹魚  
文波分少海前曜逼清虛衣被原無極何須問石渠

秀山懷古

貴池唐學海元音

秀山々景好我輩幾登臨路接石城近泉通浦水深選

樓堂構煥陵墓薜蘿森梁代風流在騷人仔細吟

釣臺

貴池 吳錫庶 蕃侯

蕭森楊柳岸帝子亦垂竿風靜波痕淡雲深石氣寒  
鱗知注酒選句定憑欄欲問蕭梁事灘前徙倚看

前題

貴池 吳服膺 希顏

百代風流遠文章道自尊六朝時幾變荒徑石猶存  
麋鹿傳幽跡烟霞護薛痕江天空極目澆酒賦招魂

文選樓

山東 劉曰燮 理齋

夙仰蕭梁業今登帝子樓文章垂百代俎豆壯千秋名

秀山志

卷之十 詩集

十五

擅騷壇席光分少海流風規何處憶明月隱松楸

釣臺

何處留仙跡瑯崖古釣臺綸垂明月夜身傍碧雲隈  
魚躍波紋皺潭澄玉鏡開風流今已矣鶴駕幾時回

玉鏡潭

山東 劉大程 雪浦

潦盡潭光澈澄空一鑑明薄寒秋瑟瑟匹練氣盈々倒  
映千山碧低窺萬頃清綠楊堤畔路垂釣有餘情

秋浦

遠浦含烟碧臨流意興偏時來捕魚者一棹水雲天  
釣

直空憐釣舟橫可濟川  
徘徊明月下沙際起飛鳶

秀山志

卷之十詩集

十六